

1558

2 N° 839.

ԴԱՍԱՏԵՏՐ ԿՐՈՆԻ

B. *Suph*

„Եւ ուստաջիք որդւոց
„ձերց խօսել զնոսա ի
յնոտել ի ասն. Եւ ի
„գնալ ի ճանապարհի եւ
„ի անջիկ եւ ի յանելու”

V. *Wenku*, 4m. 19.

ՀԵՄԱՉՐԵՆ ԹՐԱԳՈԲ ՀԱԳԵՒՈՐ ԻՇԽԱԿՈՒԹԵԱՆ

Yung Li

ԱՐԵՎԻԿԱ · ԲՈՒԺ · ԱՆՏԵՎԵԼԱՑ

(Միաբան Պաղեսոյ Ա. Գևորգ Եկեղեցոյ)

Յարմար է կրօնուսոյցներին ձեռքի տակ ունենալ
իմ «Պատագիբաք կրօնի» Ա Հատոր մասն ա. և բ.



Φ·Π·Ω·Λ·Π·Ω

გუარანი ერთობლივი. || Тип. М. Шарадзе.

1892

2(075)

U-18

2(075)
4-15

03 AUG 2009
11203
11203

ԴԱՍԱՏԵՏՐ ԿՐՈՆԻ

Բ. ՏԱՐԻ

„Եւ ուսումնիք որդւոց
„ձերոց խօսել զնոսա ի
„հստել ի տան. եւ ի
„պնալ ի ճանապարհի եւ
„ի ննջել եւ ի յառնել“:
Վ. Մովս. ժա. 19.


ՀԵՄԱՉԼՅՈՒԹԻՒՆ ՖԻՇԻԹԻ ՀԱԳԵՒԹԻՐ ԽԸՆԱՌԻԹԵՐՆ

Կազմեց

ՍԱՀԵԿ ՔԱՀ. ՍԱՀԿԵՎԵՆ
(Միաբան Մողնուց Ս. Գեղրդ Եկեղեցւոյ)

ԵԽԵԼԻՈՒԹԵԿԱ
Института
Богословия
Академии Наук
СССР

Յարմար է կրօնուսոյցներին ձեռքի տակ ունենալ
իմ «Պատագիբը կրօնի» II հատոր մասն ա. և բ.



ԹԻԳԼԻՍ
Ժպարան Մ. Ջարակ || Տիպ. Մ. Շարաձե.
1892

25 JUL 2013

1558

Дозволено ценз., Тифлисъ, 29-го Августа 1892 г.



59306·66
Типографія М. Шарадзе, Николаевская ул., 21.

ՀՐԱՄԱՆԱԿ

ՏԵՂԵԿԱԼԻ ԿԱԹՈՎԻԿՈՍԻ ԱՄԵՆԱՅՆ ՀԱՅՈՑ
ԲԱՐՁՐ ՍՐԲԱԶԱՆ ԵՐԵՄԻԸ ԵՊԻՍԿՈՊՈՍԻ

§ 1.

ՂԱԶԱՐՈՍԻ ՑԱՐՈՒԹԻՒՆԸ

ԲԵՇԱՆԱԳԻ ՄԱՐԻԱՄԻ և ՄԱՐԺԱԼԻ Եղբայր Ղազարոսը հիւանդացաւ։ Քոյլերը մարդուարկեցին Յիսուսի մօտ ասելու։ «Տէր, նա՝ որին դու սիրում եիր, հիւանդ է»։ Բայց մինչև դեսպանները համբաւ կբերէին, Ղազարոսը մեռաւ։

Յիսուս սիրում էր Մարժալին, Մարիամին և Ղազարոսին։ Երբ լսեց թէ նա հիւանդ է, ասաց իւր աշակերտներին, «Եկէք գնանք Հրէաստան, մեր բարեկամ Ղազարոսը հիւանդ է»։ Յիսուս դարձաւ ԲԵՇԱՆԻԱ։ Արդէն չորս օր էր՝ ինչ գերեզմանի մէջ էին դրել։ Ազգականներից շատերը եկել էին Մարիամի և Մարժալի մօտ՝ մխիթարելու համար։ Երբ Մարժան լսեց, թէ Յիսուս գալիս է, գնաց գիմաւորելու, իսկ Մարիամը տանը նստած էր։ Մարժան ասաց Յիսուսին. «Տէր, եթէ այստեղ լինէիր, իմ եղբայրը չէր մեռնիլ, բայց հաւատացած եմ, հիմա էլ ինչ որ

Աստուածանից խնդրես, կկատարէ։ Յիսուս ասաց նրան. «Քո եղբայրը յարութիւն կառնէ»։ Մարթան ասաց. «Գիտեմ որ յարութիւն կառնէ վերջին յարութեան ժամանակ»։ Յիսուս կրկնեց. «Ես եմ յարութիւնն ու կեանքը, ինձ հաւատացողը եթէ մեռնի էլ, դարձեալ կապրի, հաւատում ես այս բանին»։ Մարթան պատասխանեց. «Սիր, Տէր, ես հաւատացել եմ, որ դու ես Քրիստոս՝ Աստուծու որդին»։

Եւ երբ այս ասաց, գնաց և թագուն կանչեց Մարիամին և ասաց. «Վարդապետը եկել է և կանչում է քեզ»։ Մարիամը երբ այս խօսքերը լսեց, շուտով վերկացաւ և եկաւ։ Յիսուս դեռ գիւղը չէր մտել։ Այն հրէաները, որոնք տանն էին և սգւորներին մխիթարում էին, երբ տեսան որ Մարիամը վեր կացաւ և գնաց, իրանք էլ նրա ետևից գնացին՝ այնպէս կարծեցին թէ գնում է գերեզմանը լաց լինելու։

Մարիամը երբ տեսաւ Յիսուսին, ոտներն ընկաւ և ասաց. «Տէր, եթէ այստեղ լինէիր, իմ եղբայրը չէր մեռնիլ»։ Երբ Յիսուս Մարիամին և նրա հետ եկող հիւրերին տեսաւ լաց լինելիս, սիրառ լցւեց և ասաց. «Ուր դրիք նրան»։ Նրանք պատասխանեցին. «Տէր, եկ և տես»։ Յիսուս արտասուեց. Հրէաներն ասում

էին. «Տեսէք ինչպէս էր սիրում նրան»։ Ոմանք էլ ասում էին. «Մի՞թէ սա չէր կարող այնպէս անել, որ Ղազարոսը չմեռնէր»։

Յիսուս գերեզմանի մօտ գնաց և ասաց. «Վեր առէք այդ քարը»։ Մեռածի քոյր Մարթան ասաց. «Տէր, արդէն հոտած կլինի, որովհետեւ չորս օրուան թաղած է»։ Յիսուսն ասաց. «Չասացիք քեզ, եթէ հաւատաս, Աստուծու փառքը կտեսնես»։

Քալը վեր առան։ Յիսուս աչքերը երկինք բարձրացրեց և ասաց. «Հայր, շնորհակալ եմ քեզնից, դու ինձ միշտ լսել ես, խնդրում եմ որ այս անգամ էլ լսես, որպէս զի այս ժողովուրդը հաւատայ, թէ դու ես ուղարկել ինձ»։ Այս ասաց և բարձր ձայնով աղաղակեց. «Ղազարէ, արի, եկ արտաքս»։ Մեռելն իսկոյն դուրս եկաւ՝ ձեռներն ու ոտները պատանով, իսկ երեսը վարշամակով պատած։ Յիսուսն ասաց. «Արձակեցէք դրան և թողէք որ գնայ»։ Հրէաներից շատերը, որ Մարիամի մօտ էին եկել, տեսան Յիսուսի արածը և հաւատացին նրան։

ՊԱԶԱՐՈՒ ՑԱՐՈՒԹԵԱՆ ՇԱՐԱԿԱՆԸ

Կենդանութեանց բաշխող Քրիստոս
Ի Բեթանիա եկաւորեալ այսօր

Բարեկամին Ղազարու
Խնդրէ զկենդանութիւն:

Կեանք բաշխող Քրիստոսը Բեթանիա գա-
լով այսօր (իւր) բարեկամ Ղազարոսին կեանք
պարգևեց:

Տնօրինաքար արտասուելով
Ընդ Մարիամու եւ ընդ մարթայի
Ողբակցէր եւ որպէս մարդ հարցանէր,
Ուր եղիք զՂազարոս:

Կարեկցաբար արտասուելով՝ Մարթայի և
Մարիամի հետ ողբակցում էր և ինչպէս մարդ,
Հարցնում էր. «Ուր դրիք Ղազարոսին»:

Եւ որպէս զԱստուած բարբառով
Յարուցանէ ի մեռելոց զշորեքօրեայն
Եւ զուգընթաց ծայնին մեռեալն
Եկն արտաքս անապական:

Եւ իբրև Աստուած խօսքով յարութիւն է
տալիս չորս օրուայ մեռածին և ձայն տալուն
պէս՝ մեռելը դուրս է գալիս անապական մարմնով:

§ 2.

ՏԱՄՆ ԿՈԹՍԵՐ

Հին ժամանակ հրէաների մէջ հարսա-

նիքն ալսպէս էր—փեսան չէր գալիս հարսի
մօտ և տուն տանում, այլ՝ հարսանեաց երե-
կոյեան հարսի ընկերուհիներից տասն կոյս
աղջիկ՝ կէս գիշերին դուրս էին գալիս փեսայի
առաջ՝ հարսի հետ։ Աղջիկները ձեռներին ձո-
ղեր էին ունենում ծալրից լապտեր կախած։
Բացի դրանից հետներն ամանով աւելորդ ձէթ
ևս վերցնում էին, որ եթէ փեսան ուշանա-
լու լինի, լապտերի մէջ ածեն։ Փեսան էլ իւր
տանից էր դուրս գալիս և ընկերների հետ
միասին գալիս էին հարսի առաջ։ Երկու խըմ-
բերը պատահում էին իրար փողոցի մէջ։

Այսպէս մի անգամ տասն կոյս աղջիկներ
իրանց լապտերները վեր առան և գնացին փե-
սայի առաջ։ Նրանցից հինգը լիմար այսինքն
անզգոյշ էին, իսկ հինգը իմաստուն այսինքն
զգոյշ էին։ Յիմարներն իրանց լապտերների հետ
մոռացան ձէթ վերցնել, իսկ իմաստունները
ձէթ ևս առան։ Փեսան ուշացաւ—ամենի
քունը տարաւ։

Կէս գիշերին ձայն բարձրացաւ, թէ փե-
սան գալիս է։ Բոլոր կոյսերը վերկացան և
լապտերները պատրաստեցին։ Յիմարների լապ-
տերների մէջ ձէթ չկար, անցնելու վրայ էր,
ուստի ասացին իմաստուններին։ «Ձեր ձէթիցը
մեզ էլ տուէք, որովհետեւ մեր լապտերները

հանգչում են»։ Իմաստունները պատասխանեցին։ «Մի գուցէ մեզ և ձեզ բաւական չլինի, աւելի լաւ է վաճառականների մօտ գնացէք և գնեցէք ձեզ համար»։

Եւ երբ նրանք ձեթ գնելու գնացին, փեսան եկաւ և պատրաստները նրա հետ հարսանիք մտան և դուռը վակւեց։ Յետոյ միւս կոլսերն էլ եկան և ասացին. «Տէր, տէր, բաց մեզ»։ Փեսան պատասխանեց և ասաց. «Ճշմարիտն եմ ասում, որ ես ձեզ չեմ ճանաչում»։

ՏԱՄՆ ԿՈՑՍԵՐԻ ՇԱՐԱԿԱՆ

Իմաստուն կուսանքն
Փատրաստեալ իւղ լապտերաց
Ելին ընդ առաջ
Երկնաւոր փեսային։

Իմաստուն կայսերը լապտերների համար իւղ վերցնելով՝ դուրս եկան երկնաւոր փեսայի առաջ։
Իսկ յիմարաց կուսիցն
Ունայնացեալ ի յիւղոյն
Անպատրաստ գտան զալստեան փեսային
Շիշեալ լապտերօք։

Իսկ յիմար կոյսերը հետները իւղ վերցրած չլինելով՝ անպատրաստ գտնուեցան փեսայի գալստեան, որովհետեւ լապտերները հանգած էին։

Վասն որոյ եւ մեք
Փատրաստեցուք իւղ հոգեւոր
Զի մոցուք ի յառագաստ անաան փեսային
Վառեալ լապտերօք *։

Այս պատճառով էլ մենք հոգեոր իւղ պատրաստենք, որպէսզի վառած լապտերներով կարողանանք մտնել անմահ փեսայի առագաստը (հարսանիքի տունը)։

§ 3.

ԹԻՍՈՒՄԻ ՄԱՏՆՈՒԹԻՒՆԸ

Հրէաներից մի քանիսը գնացին փարիսեցիների այսինքն այդ երկրի գիտնականների մօտ և պատմեցին, թէ ինչպէս Յիսուս Ղազարոսին յարութիւն տուաւ։ Քահանայապետներն ու փարիսեցիները իոկոյն ժողով արին և ասացին. «Ի՞նչ անենք, այն մարդը շատ հրաշքներ է անում, եթե այդպէս թոյլ տանք, ամենքն էլ նրան կհաւատան»։ Նրանցից մինը՝ Կալիափա անունով, որ այն տարուայ քահանայապետն էր, ասաց. «Դուք ոչինչ չդիտէք և հեռուն չէք էլ մտա-

*) Առակի մեկնութիւնը տես իմ «Դասագիրք կրօնի» Պ. հատ. մասն բ. § 41.

ծում, աւելի լաւ է մի մարդ մեռնի ժողովրդի համար, քան թէ բոլոր ազգը կորչիւ։ Այն օրից սկսած՝ քահանալապետը և փարիսեցիները խորհուրդ արին, որ սպանեն նրան։ Այս պատճառով հրաման հանեցին ամեն տեղ, որ ով Յիսուսի տեղն իմանալ, իմաց տալ իրանց, որ բռնեն։

Կրկնել—(ա. տարի երես 17 Յուդա, Ոտնալուայ, 18. Խորհրդաւոր ընթրիք, պատարագ 21—22. Յիսուս Գեթսեմանի պարտիգում, Յիսուսի մատնութիւնը, Յիսուս քահանալապետի առաջ, Յուդայի մահը 27. Յիսուս Պիդատոսի առաջ և ապա

ՀԱՐԱԿԱՆ ՄԱՏՆՈՒԹԵԱՆ

Նոր սքանչելիք տեսանեմք այսօր յաշիարհի ի մէջ հողեղինաց արարածք արարին սպանութեան խորհին խորհուրդ։

Այսօր աշխարհում՝ հողեղէնների մէջ նոր հրաշք ենք տեսնում—արարածները խորհում են Արարշին սպանելու խորհուրդը։

Որ բանիւ զերկինս եւ զերկիր յոշնչէ գոյացուցեալ, վաճառի այսօր դիւրագին ընդ երիտոն արծաթի,

Նա՝ որ երկինքն ու երկիրը խօսքով հաստատեց՝ ոչնչից ստեղծելով, այսօր վաճառւում է դիւրագին—30 արծաթով։

Ո՞վ Յուդաս արտասուելի, երկնաւոր վարդապետին սպանութեան խորհի զիսորհուրդ, մատնելով օրինաց, զի խաչեսցի ի մէջ երկրի։

Ո՞չ, լացի արժանի Յուդան երկնաւոր վարդապետի սպանութեան խորհուրդն է խորհում մատնելով նրան անօրէնների ձեռը, որ խաչուի երկրիս վրայ։

§ 4.

ՈՏՆԱԼՈՒԱ

Կրկնել—(ա. տարի. երես 18 Համապատասխան մասը և ապա

ՀԱՐԱԿԱՆ ՄԱՏՆՈՒԹԵԱՆ

Արծաթսիրութեամբ մոլեալ Յուդա զիւր զմեծ վարդապետին ընդ երեսուն արծաթոյ հրէիցն մատնէր։

Արծաթսիրութեամբ կուրացած Յուդան իւրմէծ ուսուցչին հրէաններին էր մատնում 30 արծաթով։

Հնդ որում ես համբուրեցից, ասէ, զնա կալարուք. ով համբոյր նենգութեան, նշան եւ առիթ մահու:

Որի հետ ես համբուրուեմ, ասում է Յուղան, նրան բռնեցէք. ով խարդախութեան համբոյր, դու նշան և պատճառ ես մահուան:

Մերկացաւ յինքենէ զԱստուածային՝ զսուրբ հոգին եւ զգեցաւ զստանայ որպէս հանդերձ աղկաւ զիւրեւ:

Յուղան մերկացաւ (հեռացրեց իրանից) աստուածային սուրբ Հոգին և հագաւ սատանային՝ ինչպէս զգեստ:

§ 5.

ԵԽՍՈՒՍԻ ԹԱՂՈՒՄՆ

(ԿՐԿՆՈւթիւն)

Ուրբաթ երեկոյեան դէմն էր: Միւս օրը՝ շաբաթ հրէաների զատիկն էր: Եթէ այդ օրը Յիսուսին խաչի վրայ տեսնէին, հանգիստ սրտով հաց չէին ուտի, ուստի դնացին Պիղատոսի մօտ և խնդրեցին, որ իրաւունք տայ մարմինը խաչի վրայից վերցնելու: Պիղատոսն իրաւունք տուաւ:

Զինուորներից մինը կամեցաւ ստուգել Յիսուսի մահը, ուստի գեղարդով խոցեց կողը,

որտեղից խկոյն արիւն և ջուր բղխեց: Սրանից լետոյ Յովսէփ անունով մի մարդ, որ ծածուկ աշակերտ էր Յիսուսին, եկաւ Պիղատոսի մօտ և խնդրեց, որ Յիսուսի մարմինն իրան տան: Պիղատոսը չմերժեց Յովսէփի խնդիրը: Մի ուրիշ աշակերտ էլ նիկոդիմոս անունով, եկաւ և անուշահոտ բաներ բերաւ: Սրանցով օծեցին Յիսուսի մարմինը և կտաւով պատեցին, ինչպէս որ հրէաների սովորութիւնն էր:

Այնտեղ՝ ուր Յիսուսին թաղեցին, մի պարտէզ կար. պարտէզումն էլ մի նոր գերեզման: Ա.Հա այստեղ դրին Յիսուսի մարմինը. դրանը մի մեծ քար գլորեցին և գնացին:

ՃԱՐԱԿԱՆ ԹԱՂՄԱՆ

Յովսէփ նշարիտ եւ արդար ի Պիղատոսէ հայցէր զհասարակաց զպարզեւատուն, որ տուաւ մեզ գանձ անկողոպտելի:

Ճշմարիտ և արդար Յովսէփը ինդրում է Պիղատոսից ամենիս պարգև տուողին (Յիսուսին), որ շնորհւեցաւ մեզ (Աստուածանից) որպէս անկողոպտելի գանձ:

Պատեալ սուրբ կտաւօք զմարմինն տէրունական՝ զարկողն զլոյս որպէս զօթոց որ զգեցոյց մեզ զգեստ անկողոպտելի:

Սուրբ կտաւով պատելով տէրունական մարմինը, որի ծածկոյթն է լցուը և որը հագործ մեզ անկողոպտելի (անապական զգեստ):

Եղաւ ինորափոր ի վիմի եւ մատանեաւ կնքեցաւ *) որ զնախաստեղծն կենդանացոյց եւ զմարդկան կապանս մահու ելոյծ:

Դրւեցաւ նոր փորուած գերեզմանաքարի մէջ և մատանիքով կնքուեցաւ. նա՝ որ նախաստեղծին (Ադամին) կեանք տուաւ և մարդկանց մահուան կապանքները քանդեց:

§ 6.

ՅԻՍՈՒՍԻ ՅԱՐՈՒԹԻՒՆԸ

(Կ Հ Կ Ն Ո Ւ Թ Ի Ւ Ն)

Երբ շաբաթ օրն անցաւ, Յիսուսի հետեւող կանալքը — Մարիամ Մակրտաղենացին և ուրիշները զանազան տեսակ անուշահոտ խնկեր պատրաստեցին, որ կիւրակէ օրը դան և Քրիստոսի մարմինն օծեն:

Նրանք որ եկան, գեռ արելը չէր ծագել: Կանալքը ճանապարհին ասում էին միմեանց. «Ո՞վ կգլորէ մեզ համար գերեզմանի բերնի մեծ քարը: Բայց երբ մօտեցան, տեսան որ

*) Տես իմ «Դասագիրք կրօնի» II. հատոր մասն բ.

քարը դէն էր ձգած գերեզմանի բերանից: Կանանցից մինը վազեց աշակերտների մօտ իմաց տալու այս բանը, իսկ միւս երկուսը գերեզմանը մտան և տեսան, որ մի երիտասարդ նստած է աջ կողմում սպիտակ շորերով: Կանալք վախեցան: Երիտասարդն ասաց նրանց. 66
«Իուք որոնում էք խաչուած Յիսուսին. նա յարութիւն առաւ. ալստեղ չէ. Բնչու էք կենդանին մեռելների մէջ փնտուում: Գնացէք, ասացէք նրա աշակերտներին, որ Յիսուս երանցից առաջ կգնալ Գալիլիա, դուք այնտեղ կտեսնէք նրան»:

59306

ՀԱՐԱԿԱՆ ՅԱՐՈՒԹԵԱՆ

Հնդ արշալոյսն առաւօտուն կանխեալ կանանցն ի գերեզմանն ասելով՝ Քրիստոս յարեաւ ի մեռելոց:

Կանայք առաւօտեան արշալուսին վաղ գերեզման գնացին ասելով՝ Քրիստոս մեռելներից յարութիւն առաւ:

Եւ առ նոսա ասէր հրեշտակն, զի խնդրէք զկենդանին ընդ մեռեալս, Քրիստոս յարեաւ ի մեռելոց:

Հրեշտակն ասում է նրանց. «Կենդանին մե-

2



ԵԱՅԼԻ ԹԵՂԻ
Института
Востоковедения
СССР

ուելների մէջ ի՞նչու էք որոնում, Քրիստոս մեռել-ներից յարութիւն առաւ:

Փութացարուք, ով սուրբ կանայք եւ պատմեցէք աշակերտացն ասելով՝ Քրիստոս յարեաւ ի մեռելոց:

Ծտապեցէք, ով սուրբ կանայք և պատմեցէք աշակերտներին՝ ասելով՝ Քրիստոս մեռելներից յարութիւն առաւ:

§ 7.

ԵԽՈՒՄԻ ՀԱՄԲԱՐՁՈՒՄՆ

Յարութիւնից յետոյ Յիսուս Քրիստոս քառասուն օր էլի մնաց երկրիս վրայ իւր աշակերտների մօտ: Սրանից յետոյ Զիթենեաց լեառը բարձրացաւ աշակերտների հետ. այնտեղ պատուէր տուաւ նրանց և ասաց. «Երուսաղէմից չեռանաք, այլ սպասեցէք Հօր Աստուծու աւետիքին, որ ես ձեզ խոստացել եմ: Դուք զօրութիւն կստանաք երկնքից, երբ սուրբ Հոգին ձեզ վրայ կիշնէ և կլինիք իմ վկաները Երուսաղէմում, ամբողջ Հրէաստանում և մինչև երկրիս ծայրերը: Ուրեմն գնացէք և բոլոր ազգերին ուսուցէք Հօր, Որդւոյ և Հոգւոյն Սրբոյ անունով: Ուսուցէք նրանց որ պահեն այն ամենը, ինչ որ ես ձեզ պա-

տուիրեցի: Ով կհաւատայ և կմկրտուի, նա կիրկուի, իսկ ով չի հաւատայ, նա կդատապարտուի»

Երբ որ այս ասաց, բարձրացրեց ձեռները և օրհնեց նրանց: Օրհնելու ժամանակ բաժանուեց նրանցից և երկինք բարձրացաւ: Սի ամպ ծածկեց նրան աշակերտների աչքից: Նըրանք երկրպագեցին ու մեծ ուրախութիւնով յետ դարձան Երուսաղէմ և ամէն օր տաճարում գովում և օրհնում էին Աստուծուն:

Համբարձման տօնը կատարում ենք Զատկից 40 օր յետոյ:

§ 8.

Հ Ո Գ Ե Գ Ա Լ Ո Ւ Մ Տ

Քրիստոսի Համբարձումից յետոյ առաքեալները դարձան Երուսաղէմ և ամենքը միասին էին: Տասն օրից յետոյ յանկարծակի մի ձայն լսուեց երկնքից՝ սաստիկ փչող քամունման և լցրեց բոլոր տունը, ուր նստած էին: Սրանից յետոյ լեզուներ Երևացին, կարծես կըրպակ լինէին և նստեց ամեն մինի վրայ: Իսկոյն ամենքն էլ սուրբ Հոգւով լցւեցան և ակսեցին զանազան լեզուներով խօսիլ:

Բացի տեղացիներից Երուսաղէմում բնակում էին նաև աշխարհիս ամեն ծայրերից եղած աստուածավախ Հրէաներ: Երբ երկնքից իջնող ձայնը լսելի եղաւ, բազմութիւնը եկաւ և միասին հաւաքուեցաւ, որովհետև ամենքն էլ լսում էին, թէ ինչպէս առաքեալները ուրեշուրիշ լեզուներով էին խօսում: Ամենքն էլ զարմանում և ասում էին իրար. «Զէ որ այս խօսողները բոլորն էլ գալիիցիներ են. տեսէք ինչպէս մեր լեզուներով խօսում և պատմում են Աստուծու մեծամեծ գործերը»: Ամենքն էլ զարմանում և մէկը միւսին ասում էին. «Այս ինչ պիտի լինի»: Իսկ ոմանք էլ ծաղր էին անում և ասում էին, «Սրանք հարբած են»:

Պետրոս առաքեալի քարոզը: Այն ժամանակ Պետրոսը տեղից վեր կացաւ և սկսեց խօսել. «Ո՛վ Հրէաստանցիք և Երուսաղէմում բնակուղներ, լաւ լսեցէք ինչ որ ես ձեզ ասելու եմ, սրանք հարբած չեն, ինչպէս որ կարծում էք, որովհետև դեռևս առաւօտեան ժամի Յն է այսինքն, մեր ժամի Զը: Լսեցէք, նվ իսրայէլացիներ, Յիսուս Նազովրեցուն, որ Աստուածանից ուղարկուեց և ձեր մէջ հըրաշքներ գործեց, գուք առաք, փալտի վրայ

խաչեցիք և սպանեցիք, բայց Աստուած երեք օրից յետոյ յարութիւն տուաւ»:

Ճողովուրդը՝ որ Պետրոսի քարոզը լսեց, զղաց իւր սրտում: Նատերը գալիս էին Պետրոսի և միւսների մօտ ու ասում էին. «Ի՞նչ անենք»: Պետրոսն էլ ասում էր նրանց, «Ապաշխարհեցէք, թող ձեզանից ամեն մինը մկըրտուի Յիսուս Քրիստոսի անունով: Ով կմըկըրտւէ, սուրբ Հոգւոյ շնորհը կընդունէ»: Պետրոսի խօսքերը յօժարութեամբ ընդունողը, մկըրտւում էր: Այն օրը երեք հազար հոգի մկըրտւեց:

ՃԱՐԱԿԱՆ ՀՈԳԵԳԱՎՏԵԱՆ

Այսօր երկնայինքն ուրախացան
Հնդ երկրաւրաց նորոգումն,
Քանզի նորոգողն էից Հոգին սուրբ էջ ի սուրբ
վերնատունն:
Որով նորոգեցան դասք առաքելոց:

Այսօր երկնայիներն ուրախացան երկնաւորներիս նորոգման վրայ, որովհետև էակներին նորոգող սուրբ Հոգին իջաւ վերնատուն և առաքեալների դասը նորոգեց:

Այսօր հողանիւթեայ ընութիւն ցնծայ
Հնդ հօր հաշտութեան,

Քանզի որ եքալճ զնոգին ի մարդկանէ զմար-
մին եղելոց *)
Դարձեալ վերստին զնոյն պարզեւէ:

Այսօր մեր հողեղէն բնութիւնը ուրախա-
նում է հայր Աստուծու (մարդկանց հետ) հաշտ-
ելու վրայ, որովհետև նա՝ որ խեց մարդկան-
ցից մարմին դարձած հոգին (նոյն ժամանակ),
կրկին անգամ նոյնը (հոգին) պարգևում է (մար-
մին դարձածներին՝ մարդոց):

Այսօր մանկունք եկեղեցւոյ տօնեն ցնծութեամբ
Զգալուստ սուրբ Հոգւոյն.
Որով զարդարեցան ի զգեստս լուսափայլս
եւ գերապայծառս,
Երգեն ընդ սրովքս գերեքսրբենին:

Այսօր եկեղեցւոյ մանուկները ուրախու-
թեամբ տնում են սուրբ Հոգւոյ գալուստը, որի
շնորհիւ զարդարեցան լուսափայլ և գերապայ-
ծառ զգեստաներով (ուստի) երգում են Սրովքե-
ների հետ Երեքսրբենին (սուրբ, սուրբ երգը):

*) Մարդիկ սւրախանում են, որ հայր Աս-
տուծ մարդոց հետ հաշտուեց, որովհետև նոյն
ժամանակ մարդիկ վատացել են. Աստուծ էլ
իւր հոգին նրանցից վերացրել էր, իսկ այսօր նոյն
հոգին պարգևում է:

§ 9.

ՎԵՐԱՓՈԽԱԿՑՈՒՄՆ

Յիսուս խաչի վրայից ասաց Յովհաննէս
առաքեալին, որ իւր մօրը խնամք տանէ: Այն
օրից սկսած Մարիամը 16 աարի շարունակ
Յովհաննիսի մօտն էր՝ մինչև իւր մահը:

Երբ սուրբ Կոյս Մարիամը մեռաւ, առա-
քեալները թաղեցին նրան Գեթսեմանում, որ-
տեղ Յուդան Յիսուսին զինուորների ձեռը մատ-
նեց: Աստուածածնի մակուան ժամանակ բո-
լոր առաքեալները՝ բացի Բարդուղիմէոսից Ե-
րուսաղէմումն էին: Երբ Բարդուղիմէոսը Երու-
սաղէմ եկաւ և իմացաւ Տիրամօր մահը, խիստ
տիրեց և ցանկացաւ տեսնել նրա գերեզմա-
նը: Առաքեալները Բարդուղիմէոսին Գեթսե-
մանի տարան, բայց որքան գարմացան, երբ
գերեզմանը բաց արին և տեսան, որ մարմինն
այնտեղ չէր, որովհետև Յիսուս Քրիստոս հը-
րեշտակների ձեռով մարմինը երկինք էր տա-
րել այսինքն վերափառ իւր եւ էր:

Բարդուղիմէոս առաքեալը շատ էր ցա-
ւում, որ չկարողացաւ ոչ Տիրամօրն իրան տես-
նել և ոչ նրա մարմինը: Ուստի միւս առա-
քեալները նրան մխիթարելու համար՝ Աստուա-

ծածնի պատկերն ընծայեցին։ Բարդուղիմէոս
առաքեալը մի վանք շինեց և այս պատկերն
այնտեղ դրաւ։

Մեր եկեղեցին տօնում է այդ օրը՝ երբ
Հրեշտակները սուրբ կոյս Մարիամի Մարմինը
երկինք տարան այսինքն վերափոխեցին և դրա
համար էլ այդ տօնի անունը վեր ափու
խումն է։

Այդ օրը եկեղեցի ենք գնում և խնդրում
ենք Աստուածածնից, որ բարեխօս լինի իւր
որդի Յիսուս Քրիստոսի մօտ մեր աղօթքը լսե-
լու, դրա համար էլ եկեղեցում երգում ենք։

Փառաւորեալ եւ օրհնեալ միշտ սուրբ
կոյս աստուածածին Մարիամ, մայր քրիստոսի,
մատու զաղաշանս մեր որդւոյ քո եւ աստուծոյ
մերոյ։

Ով դու փառաւորուած և օրհնուած միշտ
սուրբ կոյս՝ Քրիստոսի մայր՝ Մարիամ Աստու-
ծածին, մեր աղօթքը հասցրու քո Որդուն՝ մեր
Աստուծուն։

ՀԱՐԱԿԱՆ ՍՈՒՐԲ ԱՍՏՈՒԵԾԱԾՆԻ

Անկանիմք առաջի քո Աստուածածին եւ
խնդրեմք զանարատ զկոսյդ։

Քո առաջն ենք ընկնում (երկրպագութիւն
տալիս) ով Աստուածածին և աղաչում ենք քեզ՝
անարատ կոյսիդ։

Բարեխօսեան վասն անձանց մերոց եւ
աղօթեան զմիածին որդիիդ։

Բարեխօսիր մեզ համար և աղաչիրքո Միա-
ծին որդուն։

Փրկել զմեզ ի փորձութենէ եւ յամենայն
վլուանգից մերոց։

Որպէսզի աղատէ մեզ փորձութիւնից և ա-
մեն տեսակ վտանգից։

§ 10.

ԱՐԳԱՐ ԹԱԳԱԽՈՐԸ ԴԵՍՊԱՆՆԵՐ Է ՈՒՂԱՐԿՈՒՄ
ՑԻՍՈՒՍԻ ՄՕՏ։

Հայոց Աբգար թագաւորը եօթը տարի
շարունակ հիւանդ էր. ամեն գեղ գործ էր
գրել, բայց ոչինչ չէր օգնում։ Այդ ժամանակ-
ներումն էր, որ լսեց, թէ Հրեաստանում Յի-
սուսը ամեն տեսակ հիւանդութիւններ է բը-
ժըշկում առանց գեղի, ուստի նամակ գրեց և
գեսպանների ձեռով ուղարկեց, որ գայ և իրան
բժշկէ։ Ահա Աբգարի գրած նամակը Քրիստո-
սին. «Ես լսել եմ, որ դու առանց գեղի բժշ-

կում ես հիւանդներին։ Ինձ պատմեցին, որ դու կոյրերի աչքը բաց ես անում։ կաղերին ոտք ես տալիս։ բորոտներին սրբումես։ սատանաներին հալածում ես։ երկար ժամանակ հիւանդութիւն ունեցողներին բժշկում ես և մինչև անգամ մեռելներին յարութիւն ես տալիս։ Երբ ես այս բոլորը լսեցի, ինքս ինձ ասացի, որ դու կամ Աստուած ես՝ երկնքից իջած և կամ Աստուածու որդի։ Ուստի աղաչում եմ քեզ, որ գաս և ինձ բժշկես։ Լսեցի նոյնպէս, որ հրէաները քեզ նեղացնում են։ Ես մի փոքրիկ քաղաք ունիմ, արի ինձ մօտ, երկուսիս էլ բաւական է։ Վերջը պատուիրեց դեսպաններին և ասաց, որ եթէ Յիսուս չըկարողանայ գալ, նրա պատկերը քաշեն և իրան բերեն։ Այս բանի համար առանձին նկարիչ ուղարկեց։

Դաստուակ։ Դեսպանները նամակը Յիսուսին տարան։ Յիսուս չկարողացաւ գալ և մեր Աբգար թագաւորին այս պատասխանը գրեց։ «Երանի՛ նրան՝ ով ինձ չէ տեսել, բայց հաւատում է։ Գրում ես որ քեզ մօտ գամ, չեմ կարող, որովհետեւ ես չեմ եկել հանդիսա կեանք վարելու, ալ՝ չարչարուելու և խաչուելու։ Երբ այս բոլորը կատարեմ, վերջացնեմ,

յետոյ հայր Աստուածու մօտ պիտի գնամ։ Իսկ իմ Համբարձումից յետոյ աշակերտներիցս մինին կուղարկեմ, որ գալ քեզ բժշկէ և քո հըպատակներին էլ կեանք պարզեց։

Նկարիչը երբ տեսաւ որ Յիսուս չէ գալիս, սկսաւ նրա պատկերը քաշել, բայց չէր կարողանում։ Այս որ տեսաւ Յիսուս, նկարչին իւր մօտ կանչեց, մի կտոր մաքուր կտաւ առաւ, երեսին դրաւ և նրա վրայ նկարուեց իւր պատկերը։ Յետոյ նկարչին տուաւ, որ Աբգարին տանէ։ Այս պատկերը կոչւում է գաստ առակ։

§ 11.

ԹԱՐԴՈՍ ԵՒ ԲԱՐԴՈՒՂԻՄԵՈՍ

Քրիստոսի Համբարձումից յետոյ եօթանասուն և երկու աշակերտներից մինը՝ Թագէոս անունով Հայաստան եկաւ։ Երբ Թագէոսն Աբգարի պալատը մտաւ, թագաւորը երեսի վրայ վայր ընկաւ և երկրպագութիւն տուաւ նրան։ Թագէոսը թագաւորին և բոլոր քաղաքացիներին Քրիստոսի վարդապետութիւնը քարոզեց, Աբգարի գլխին ձեռը դրաւ և բժշկեց, նոյնպէս քաղաքի բոլոր հիւանդներին։ Այս բանը որ տեսան քաղաքացիք, բոլոն էլ հաւատացեալ դարձան և մկրտւեցան։

Ա. Թաղէոսը թագաւորի թագ շինող Ադրէին եպիսկոպոս նշանակեց այս նոր հաւատացեալ-ների վրայ, որ հովուէ նրանց։ Ա. Թաղէոսը սրանով չբաւականացաւ, այլ հրաման առաւ և գնաց Հայաստան՝ թագաւորի քրոջորդի Սա-նատրուկի մօտ. սրան էլ քարոզեց և իւր մարդ-կանց հետ միասին բոլորին էլ մկրտեց։ Սա-նատրուկի աղջիկ Սանդուխտն էլ մկրտուեց։

Սանատրուկը շատ կարճ ժամանակ քրիս-տոնեայ մնաց—հենց Աբգարի մահուանից յե-տոյ ուրացաւ քրիստոնէութիւնը և սկսեց հա-լածել քրիստոնեաներին ու նահատակել։ Իւր աղջիկ Սանդուխտին շատ համոզեց որ ուրա-նայ քրիստոնէութիւնը, բայց չկարողացաւ։ Սանդուխտ կոյսը պատասխանեց, որ կուռքե-րին ոչ մի ժամանակ երկրպագութիւն չեմ տալ, կմեռնեմ, բայց կուռք չեմ պաշտի։ Հայ-ը իւր աղջկան նահատակել տուաւ։ Բայց սրա-նով չբաւականացաւ որովհետեւ Սանդուխտ կոյսը Ա. Թաղէոսից էր ուսել քրիստոնէու-թիւնը, ուստի նրան էլ նահատակել տուաւ։ Ալսպէս՝ թէ ուսուցիչը և թէ աշակերտուհին լաւ համարեցին մեռնել, քան թէ կուռք պաշտել։

Ա. Թաղէոսի մահուանից յետոյ՝ Յիսուսի

աշակերտներից մի ուրիշը ևս եկաւ Հայաս-տան, որ քրիստոնէութիւնը քարոզէ—սրա ա-նունն էր Բարդուղիմէոս։ Սա բերաւ իւր հետ Ա. կոյս Մարիամի պատկերը. Տիգրիս գետի ափին մի վանք շինեց՝ Աստուածածին անու-նով և այն պատկերն էլ այնտեղ դրաւ։

Ա. Թաղէոս և Բարդուղիմէոսը առաջին անգամ եկան մեր Երկիրը քրիստոնէութիւնը քարոզելու և լուսաւոր ելու հայերին, որա համար էլ նրանց անուանում ենք առա-ջին (Նախկին) լուսաւորի չներ։ Որով-հետեւ այդպիսի գեղեցիկ օրինակ են թողել մեզ համար, ուստի մենք էլ ամեն տարի նրանց անունը յիշում ենք Եկեղեցում և տօն կա-տարում։ Այդ օրը Երգում ենք

ՇԱՐԱԿԱՆ ԱՐԱՔԵԼՈՑ

Հայրատունկ այգույն հրեղէն պարիսպք եւ բարձր աշտարակք, ոսկեղէն բաժակք եւ ժիր մատոււակք Հայաստանեայս հարք հոգեւ-որք Բարդուղիմէոս եւ Թաղէոս, բարեխօս լե-ռուք առ տէր վասն անձանց մերոց։

Հայրատունկ այգու (Եկեղեցու) հրեղէն պա-րիսպներ և բարձր աշտարակներ, ոսկեղէն բա-ժակներ և ժիր մատոււակներ—ով դուք հայաս-

տանցիներիս հոգեւոր հայրեր՝ Թադէոս և Բարդուղիմէոս, բարեխօս եղէք տիրոջ առաջ՝ մեզ համար:

Թագաւոր երկնաւոր զեկեղեցի քո անշարժ պահեան եւ զերկրպագուս անուանդ քում պահեան ի խաղաղութեան:

Երկնաւոր Թագաւոր (Յիսուս) քո եկեղեցին անշարժ պահիր. քո անուան երկրպագում թիւն տուողներին խաղաղութեան մէջ պահիր:

§ 12.

Ս. ԳՐԻԳՈՐ (Կամ երկրորդ) ԼՈՒՍԱԽՈՐԴ 2

Անակի հայաստան գալլ: Պարսից Արտաշիր թագաւորը մի օր իւր պալատականների հետ այսպէս խօսեց—Ով Հայոց Խոսրով թագաւորին սպանէ, ինչ փառք ու պատիւ էլ ուղէ, կստանալ ինձնից: Անակ անունով մինը՝ յանձն առաւ Արտաշրի ցանկութիւնը կատարել: Անակը վերցրեց իւր ընտանիքը, եկաւ Հայաստանի սահմանի վրայ և այնպէս ձեացաւ՝ որպէս թէ Պարսից թագաւորն իրան հալածում է, ուստի պաշտպանութիւն խնդրեց մեր թագաւորից: Խոսրովն Անակին սիրով ընդունեց: Նա այնպէս էր կարծում, որ փախստականը շատ տեղեկութիւններ կհաղորդէ Արտաշրի գօրքի և նրա բոլոր գործերի մասին,

ուստի Անակին հենց իւր պալատում տեղ տուաւ: Այնուհետև Արտաշրի լրտեսը նրա մասին էր մտածում, թէ ինչպէս սպանէ մեր թագաւորին:

Խոսրովի մահը: Մի օր Խոսրովը որսի գնաց իւր պալատականների հետ. Անակին էլ հետն առաւ: Որսի ժամանակ Անակը Խոսրովին փոքր ինչ հեռու տարաւ՝ որպէս թէ ծածուկ բան ունի ասելու և սրով խփեց, իսկ ինքը ձի նստաւ, սկսեց փախչել, բայց մարդիկ ետևիցն ընկան և սպանեցին: Խոսրովը դեռ չէր մեռել, որ հրամակեց Անակի ընտանիքը կոտորել: Թագաւորի հրամանը կատարուեց—նրա ընտանիքը սրից անցկացրին, միայն մանուկ Գրիգորին իւր Սօփիա դայեակը փախցրեց և տարաւ կեսարիա քաղաքը:

Երբ Արտաշրին լուր հասաւ, թէ Անակն սպանել է Խոսրովին, ուստի մեծ զօրք առաւ և եկաւ Հայաստան, որպէսզի Խոսրովի տունը ջնջէ: Հայերը չկարողացան պարսիկների գէմ կոռւել: Արտաշրիը մտաւ մեր երկիրը և հրամայեց Խոսրովի ընտանիքը կոտորել: Այդպէս էլ արին: Մի տղալ միայն Տրդատ անունով և սրա քոյր Խոսրովի առաջական կարողացան փախցնել և տարան Հռովմ քաղաքը:

Գրիգորը Կիսարիայում եւ Հոռվմում: Աղբամանակում Սօփիան Գրիգորին խնամում էր Կեսարիայում: Փոքը ինչ որ մեծացաւ, նրան ուսումնարան ուղարկեց, ուր սովորում էր յունարէն և ասորելէն: Սօփիան ինքը քրիստոնեայ էր, ուստի և փոքրիկ Գրիգորին սովորցրեց, ինչոր հարկաւոր էր քրիստոնէական կրօնի համար: Երբ Գրիգորը չափահաս դարձաւ, ամուսնացաւ Մարիամ անունով մի աղջկայ հետ և նրանից երկու որդի ունեցաւ Վրդաննէս և Արիստակէս: Սրանից յետոյ Մարիամի համաձայնութեամբ Գրիգորը բաժանուեցաւ կնոջից: Մարիամը կուսանոց մտաւ:

Գրիգորին պատմեցին, որ իւր հայր Անակը սպանել է Խոսրով թագաւորին, որի որդի Տրդատը Հռովմումն է, ուստի վեր կացաւ և գնաց այն քաղաքը, որպէսզի իւր մեղաւոր հօր փոխարէն Տրդատի մօտ ծառայութիւն անէ, որպէսզի հօր յանցանքը փոքը ինչ թեթևացնէ:

Տրդատի քաջագործութիւնները: Խոսրովի որդի Տրդատն էլ Հռովմումն էր մեծանում Դիոկղետիանոս կայսեր մօտ: Երբ հասակն առաւ, զինուորական ծառայութեան մէջ մտաւ: Տրդատը մեծ ոլժ ունէր, լաւ ձի նըս-

նել գիտէր և գէնք գործածել: Մի անգամ ձեռով բռնեց եղան եղիւրը և քաշեց հանեց: Մի անգամ էլ ընկերի հետ կառք էին քշում, ընկերը բոթեց և Տրդատին կառքից վայր ձգեց, բայց Տրդատը ետևից վազեց և կառքից այնպէս բռնեց, որ ձիերն էլ չկարողացան առաջ գնալ: Մի անգամ էլ Հռովմքաղաքի Դիոկղետիանոս կայսը պատերազմ ունէր: Թշնամին մարդ ուղարկեց և այսպէս էր ասում—փոխանակ զօրքով մէկ մէկու հետ կուռենք և ի զուր տեղը մարդ սպանենք, արի ես և դու միասին մենամարտենք—եթէ ես քեզ յաղթեմ, դուք ամենքդ ինձ ծառայ եղէք, իսկ եթէ դու ինձ յաղթես, մենք ամենքս էլ քեզ հարկ տանք:

Դիոկղետիանոսն այս բանից խիստ վախեցաւ և չգիտէր թէ ինչ անէ: Կայսեր զօրավարներից մէկն ասաց. «Տէր, թագաւոր, ամենեկին մի մտածիր այդ մասին, իմ գնդի մէջ հալոց թագաւորի ցեղից մի տղայ կայ՝ անունը. Տրդատ, նա կարող է քեզ ազատել և Տրդատի մասին շատ բաներ պատմեց: Դիոկղետիանոսն իսկոյն կանչել տուաւ իւր մօտ Տրդատին, թագաւորական զգեստ հագցնել տուաւ. թագաւորի նշաններով զարդարեց և ամեն տեղ ասել տուաւ, որ նա կայսը ինքն 3

Է: Միւս օրը թշնամու թագաւորի մօտ մարդուզարկեց ասելու, որ վաղը իրար հետ մենամարտեն: Երկրորդ օրը՝ Տրդատը ձին նստած քշեց թշնամու կողմը. յարձակուեց նրա վրայ. բռնեց և Դիոկղիանոսի մօտ բերեց: Կայսրը չափից դուրս ուրախացաւ: Երբ իմացաւ, որ իրան ազատողը հայոց թագաւոր Խոսրովի որդին է, թագաւորական զգեստ հազցրեց. գըլուխը թագ դրաւ. զօրք տուաւ որ գնալ Հայաստան և իր հօր փոխարէն թագաւորէ:

Տրդատը հասաւ Կեսարիա քաղաքը. իր հետն ունէր և Գրիգորին: Հայ նախարարները երբ իմացան, որ իրանց թագաւորի որդին զօրքով գալիս է, իրանք էլ եկան. միացան նրա հետ, որպէսզի պարսիկներին դուրս անեն մեր երկրից:

Ս. Գրիգորին ճգում են Խոր Ալիրապ: Տրդատը հասաւ Երիզա քաղաքը: Այստեղ էր գտնւսւմ մեր պապերի պաշտած Անահիտ չառուածուհին: Խսկոյն զոհ բերին նրան և խընդրեցին որ յաջողութիւն տայ իրանց գործին: Այստեղ Տրդատը հրամայեց Գրիգորին, որ նա էլ Անահին աղօթք անէ: Բայց որովհետեւ Գրիգորը քրիստոնեալ էր, չուզեց կուռքերին երկրպագութիւն տալ: Տրդատը բարկացաւ Գրի-

գորի վրայ, պատիժներ տուաւ և հրամայեց որ անպատճառ Անահիտի առաջ աղօթէ: Գրիգորը մերժեց: Այն ժամանակ թագաւորին պատմեցին, որ Գրիգորը իւր հօրն սպանող Անահի որդին է: Տրդատը և՛ս ամելի բարկացաւ և հրամայեց Գրիգորին խիստ պատիժտալ՝ ասաց որ տաննեն Սրտաշատ քաղաքի Խոր Վիրապը ձգեն, որպէս զի այնտեղ սովից մեռնի: Այս վիրապը լի էր բազմաթիւ օձերով և կարիճներով: Գրիգորն այստեղ 15 տարի մնաց: Մի քրիստոնեալ կին Աստուծու հըրամանով ամենայն օր մի մի հաց էր ձգում, որ Գրիգորն ուտի և չմեռնի:

Տրդատը Հայաստան հասաւ. դուրս արաւ պարսիկներին և ինքն սկսաւ կառավարել: Թագաւորը կուպաշտ էր, դրա համար էլ հրաման հանեց, որ իւր տէրութեան մէջ ուր որ էլ քրիստոնեայ գտնեն, ստիպեն կուռքերին երկրպագութիւն տալ, իսկ եթէ հակառակեն, խսկոյն սպանեն:

§ 13.

ՀՐԻՖՍԻՄԵԱՆ ԵՒ ԳԱՅԻԱՆԵԱՆ ԿՈՅՍԵՐԸ ՓԱԽ-
ՀՈԽԻՄ ԵՒ ՀԱՅԱՍՏԱՆ

Ալդ ժամանակներում Դիոկղետիանոս կայս-

ըը կամենում էր իւր համար կին առնել։ Ա-
մեն կողմ պատկերահաններ ուղարկեց, որ
թագուհի լինելու արժանի աղջիկներ գտնեն.
Նրանց պատկերները նկարեն և իրան բերեն։
Այս պատկերահաններից մի քանիսն էլ Հը-
ռովմ քաղաքի մօտ գտնւող կուսանոցը գնա-
ցին։ Այստեղ մի գեղեցիկ կոյս կար՝ անունը
Հոփիսիմէ. սրա պատկերն ուժով քաշեցին և
կայսեր տարան։ Կայսրը հաւանեց Հոփիսի-
մէին և ուզում էր նրան թագուհի դարձնել։

Երբ այս բանն իմացաւ կուսանոցի մայ-
րապետ Գալիանէն, բոլոր կոյսերին հաւաքեց
և Հոփիսիմէի հետ միասին փախան եկան Հա-
յաստան ու Վաղարշապատ քաղաքի մօտ գըտ-
նւող մի այգու հնձանում բնակւեցան։ Կոյսե-
րից մինը ապակիէ լուլունքներ էր շինում,
ծախում էին և սրանով ապրում։

Դիոկղետիանոսը խիստ բարկացաւ կոյսե-
րի փախստեան վրայ. ամեն կողմ մարդ ու-
ղարկեց, որ նրանց գտնեն։ Մեր Տրդատ թա-
գաւորին էլ մի նամակ գրեց, որի մէջ ասում
էր, եթէ կոյսերին գտնէ, բոլորին էլ սպանէ,
Հոփիսիմէին իրան ուղարկէ, իսկ եթէ ցան-
կանալ, կարող է ամուսնանալ նրա հետ։

Կոյսերի նահատակութիւնը. Տրդատն այս

թուղթն ստանալուն պէս, իւր երկրի մէջ ա-
մեն կողմ մարդ ուղարկեց, որ վնտուն և
գտնեն նրանց։ Մի քանի օրից յետոյ կոյսերին
գտան։ Թագաւորը հրամայեց Հնձանը զի-
նուորներով պատել։ Պալատից թանկագին շո-
րեր ուղարկեց, որ հազցնեն Հոփիսիմէին և
իւր մօտ բերեն, որովհետեւ միտք ունէր նրա
հետ ամուսնանալ։ Հոփիսիմէն չէր կամենում
թագաւորի պալատը գնալ, բայց թագաւո-
րը իւր ծառաներին հրամայեց ուժով բռնեն
նրան և պալատ բերեն։ Թագաւորի հրամա-
նը կատարուեց—Հոփիսիմէին քաշ տալով մին-
չե պալատ տարան։ Հոփիսիմէն ոչ մի ձե-
ռով չկամեցաւ թագուհի դառնալ. պալատից
փախաւ և գնաց իւր ընկերուհիների մօտ.
պատմեց նրանց իւր գլխովն անցածը. փոքր
ինչ հեռացաւ նրանցից և սկսեց Աստուծուն
աղօթել և շնորհակալութիւն անել, որ իրան
այդպիսի վտանգից ազատեց։ Այդ միջոցին թա-
գաւորի դահիճները՝ ջահերը ձեռներին եկան.
գտան Հոփիսիմէին. լեզուն կտրեցին. աչքե-
րը հանեցին և մարմինը կտոր-կտոր արին։
Հոփիսիմէից յետոյ սպանեցին նրա ՅՅ ընկե-
րուհիներին մայրապետի հետ միասին։

§ 14.

Ա. ԳՐԻԳՈՐԻՆ ԴՈՒՐՄ ԵՆ ԲԵՐՈՒՄ ՎՀՐԱՊԻՑ

Թագաւորն այս բանի վրա շատ մտածեց, նրա խիզճն իրան տանջում էր, հանգիստ չունել. քունը չէր տանում: Տրդատը խելագարի պէս՝ վայրենի խոզի նման շամբերում թափառում էր: Թագաւորի քոյր Խոսրովադուխտը մի բարի աղջիկ էր. հրեշտակը սրան երազում եցևեցաւ և ասաց. «Եթէ կամենում էք, որ թագաւորն առողջանալ, Գրիգորին պէտք է վիրապից հանէք. նա միայն կարող է բժշկել»: Խոսրովադուխտն այս երազը նախարարներին պատմեց. նրանք չհաւատացին. ամենեին չեին կարծում թէ Գրիգորը 15 տարի վիրապում կենդանի մնացած կլինի: Երեք անդամ նոյն երազը կրկնուեց, յետոյ հաւատացին: Այնուհետեւ վիրապի մօտ գնացին, չուանը կախ արին և ձախն տուին. «Գրիգոր, եթէ կենդանի ես, դուրս արի. քո Աստուածը հրամալեց որ քեզ այստեղից հանենք»: Գրիգորը կենդանի էր: Նրան դուրս հանեցին և Վաղարշապատ քերին: Տրդատը և նախարարները Գրիգորի ոտներն էին ընկնում և ներողութիւն էին խնդրում: Գրիգորն աղօթեց Աստուծուն և խնդրեց, որ իրան կարողութիւն տայ հիւանդ

թագաւորին և նրա նախարարներին բժշկելու: Սրանից յետոյ կոյսերի անթաղ մարմինները թաղել տուաւ:

Երկրորդ օրը նախարարները թագաւորի հետ Գրիգորի մօտ եկան և խնդրեցին, որ ճշմարիտ հաւատը սովորցնէ իրանց: Գրիգորը շատ ուրախացաւ այս բարի բանի վրայ և նույնութեան աղջիկ աղջիկ էր և ուսուցանում էր նրանց քրիստոնէական հաւատը:

Ա. Գրիգորի կաթողիկոս ճեռնադրուիլը: Սրանից յետոյ Տրդատ թագաւորը Գրիգորին Կեսարիա քաղաքն ուղարկեց, որ այնտեղի Ղեղոնդ արք եպիսկոպոսից եպիսկոպոս ձեռնադրուի իբրև թաղէոս առաքեալի աթոռակալից. որպէսզի նոր քրիստոնեայ դարձած հայ ժողովրդին սովորցնեն քրիստոնէութիւնը: Գրիգորը Կեսարիա գնաց. Ղեղոնդից եպիսկոպոս այսինքն կաթողիկոս ձեռնադրուեց: Ղեղադառնալիս Ա. Յովհաննէս Մկրտչի, Աթանագինեայ եպիսկոպոսի մասունքի մի մասն էլ հետն առաւ և շատ քահանաներ վերցնելով հետո՝ դարձաւ Հայաստան՝ Մշի կողմերը: Ալդտեղ կուատներ՝ մեհեաններ կալին, քանդեց, կուռքերի սեղանները այսինքն բա-

գինները կործանեց և նրանց տեղ եկեղեցի շինեց. Յովհաննէս Մկրտչի մասունքն էլ այնտեղ դրաւ: Այս եկեղեցու անունը Ս. Կարապետ դրաւ, ուր մինչեւ այսօր էլ անթիւ ուխտաւորներ են գնում:

Տրդատ թագաւորի մկրտութիւնը: Տըրդատը, երբ իմացաւ որ Գրիգորը վերադարձել է Կեսարիայից, դուրս եկաւ նրա առաջշատ իշխանների հետ ի միասին: Ս. Գրիգորն ամենին էլ 30 օր ծոմ պահել տուաւ. յետոյ թագաւորին իւր՝ լնտանեացը, իշխաններին և անթիւ ժողովզեան հետ միասին մկրտեց Եփրատ գետի մէջ: Գրիգորը եօթն օր ևս մընաց այնտեղ և չորս միլիոնից աւելի մարդ մկրտեց,

Ս. Գրիգորը լուսաւորում է Հայաստանը: Սանից յետոյ Ս. Գրիգորը Տըրդատին խորհուրդ տուաւ, որ ամեն գաւառի մէջ ուսումնարան բանալ, որպէսզի այնտեղ քահանաներ պատրաստուեն և մնացած հեթանոս հայ ժողովրդին մկրտեն և հովուեն: Այս ուսումնարաններից մի քանիսում յունարէն և մի քանիսումն էլ ասորերէն էին սովորցնում, որովհե-

տե դեռ ևս հայերէն գրեր չունէինք:

Բացի սրանից Ս. Գրիգորը 12 եպիսկոպոս ձեռնադրեց հայոց համար: Ս. Գրիգորը եղաւ մեր առաջին եպիսկոպոսապետը՝ հայրապետը՝ կաթողիկոսը: Նա Հայաստանի ամեն կողմէրում ուսումնարաններ բաց անել տուաւ, որտեղից ուսումն առածները քահանաներ էին դառնում և հետզհետէ հայերին քրիստոնեալ դարձնում—մի խօսքով՝ Ս. Գրիգորը մեր երկիրը լուսաւորեց և դրա համար էլ նրան ասում ենք Ս. Գրիգոր Լուսաւորիչ:

ԸԱՐԱԿԱՆ Ս. ԳՐԻԳՈՐ ԼՈՒՍԱՒՈՐԻՇ

Այսօր զիմանալի լուսոյն ծագողն
ի խաւարի նստելոց
Զգրիգոր Սուլք Հայրապետ
Եկայք վերապատուեսցուք:

Խաւարի մէջ նստողներիս իմանալի (մտաւոր)
լըս տուող Ս. Գրիգոր Հայրապետին՝ եկէք այսօր վերապատւենք:

Այսօր զանապական Հոգւոյն պարգեւան
Բաշխող որդւոց Թորգոմայ
Յորդիս լուսոյ նովաւ ծնեալք,
Եկայք վերապատուեսցուք:

Անապական հոգւոյ պարգևները Թորգոմայ
որդւոցս բաշխողին (և) նրանից (Ս. Հոգուց) լու-

սոյ որդիներ ծնածներս, եկէք վերապատուենք:
 Այսօր զաստուածային բանին պատմողն
 ի Հայաստան աշխարհի
 Աշակերտեալ նմա մանկունք,
 Եկայք վերապատուեցուք:

Հայաստան աշխարհում Աստուծու խօս-
 քը քարողողին, ով նրան աշակերտող մանուկներ,
 եկէք այսօր վերապատուենք:

Այսօր երգէ եկեղեցի որդուվք իւրովք
 Հնդ հրեշտակա
 Յիշատակի Լուսաւորչին
 Փառք ի բարձունս Աստուծոյ:

Այսօր եկեղեցին իւր որդիերանցով հրեշ-
 տակների հետ միասին՝ լուսաւորչի յաշատակի
 համար՝ երգում է — «Փառք ի բարձունս Աս-
 տուծոյ»:

§ 15.

Ս. ԳՐԻԳՈՐ ԼՈՒՍԱԿՈՐՉԻ ԵՐԱՋԸ

Ս. Գրիգոր Լուսաւորիչը մի անգամ զար-
 մանալի տեսիլք տեսաւ: Նա տեսաւ, որ եր-
 կինքը բացուեց և սկսաւ լոյս իջնել երկնքից
 դժպի երկիրը: Լուսի հետ միասին իջաւ մի
 մարդ — միածին որդին Աստուծոյ — ձեռին բըռ-
 նած մեծ ոսկէ ուռո՞ն՝ չաքուճ: Այս մարդը

ալանալով իջաւ Վաղարշապատ քաղաքի մէջ
 տեղը և գետնին մուրճով խփեց: Խսկոյն գետ-
 նի տակից՝ անդնդից լսուեցին սարսափելի ձայ-
 ներ: Արանից լետոյ թագաւորի պալատի վրայ
 երևաց ոսկէ խարիսխ, որի մեծութիւնը մի
 մեծ բլրի չափ էր: Այս խարիսխի վրայ հրեղէն
 սիւն կար. սիւնի վրայ ամպեղէն դմբէթ՝ ե-
 կեղեցու նման, իսկ դմբէթի վրայ էլ՝ լուսա-
 ւոր խաչ:

Ս. Գրիգոր Լուսաւորիչը զարմացած նա-
 յում էր և չգիտէր, թէ ինչ նշանակութիւն
 ունին այս բոլորը: Այդ ժամանակ Աստուծու
 հրեշտակն իջաւ, երկնից և մեկնեց Ս. Գրի-
 գորին նրա տեսիլը: Հրեշտակն ասաց — այն
 մարդը, որ ձեռին ոսկէ ուռո՞ն ունէր բոնած՝
 Աստուծու որդի Յիսուս Քրիստոսն (Միածին)
 էր. Հրեղէն սիւնը Կաթողիկէ եկեղեցին այ-
 սինքն հիմիկուայ Եջմիածնի տաճարը, իսկ
 լուսաւոր խաչը՝ հայոց քահանայապետութիւնն
 այսինքն կաթողիկոսութիւն է: Հրեշտակը յայտ-
 նեց, որ այս ուռով խփած տեղը եկեղեցի
 պիտի շինել, որ բոլոր քրիստոնեաների հա-
 մար աղօթատուն կլինի և բացի գրանից հայոց
 կաթողիկոսի աթոռն այդտեղ պիտի հաստա-
 տուի այսինքն հայոց կաթողիկոսներն այդտեղ
 պիտի նստեն:

§ 16.

ԷջՄԻԱԾՆԻ ՏԱԶԱՐԻ ՇԻՆՈՒԹԻՒՆԸ

Միւս օրը Գրիգորը պատմեց այս տեսիլը ճրդատ թագաւորին, նախարարներին, ժողովրդին և պատուիրեց, որ հրեշտակի ցոյց տուած տեղը քարէ պարսպով շրջապատեն։ Ա. Գրիգորն այդ տեսիլը թագաւորին և նրա նախարարներին մկրտելուց առաջ էր տեսել։ Երբ թագաւորական տունը և ժողովրդին մը կը թագաւորական տունը և ժողովրդին մը կը թագաւորական տունը և ժիսուսի՝ Միածնի իջած տեղում 303 թուին մի եկեղեցի շինեց այն ձևով ինչպէս որ տեսել էր։ Այս եկեղեցին առաջ Շողոկաթ էր կոչում *), որովհետեւ լոյսը այսինքն շողոկաթ էր այդտեղ կաթեց։ Այժմ այլ ևս Շողոկաթ չեն ասում, այլ՝ էջմիածին, որ նշանակում է թէ այնտեղ իջած Միածինը։ Յիսուս Քրիստոսը։ Ա. Եկեղեցու շինութեան վրայ աշխատում էին ոչ թէ միայն ժողովուրդը՝ այլև թագաւորն ինքը, Աշխեն թագու-

*) Այժմ ևս Շողոկաթ է կոչուում տաճարի աւագ սեղանը, իսկ միջնակէտը կաթողիկէի՝ իջման տեղ, որի վրայ պատարագ է մատուցանում էջմիածնայ տօնին և ուրիշ հանդիսաւոր տօներին։

հին, թագաւորի որդին, քոյլը, նախարարներն ու իշխանները։ Բացի էջմիածնից Ս. Լուսաւորիչը ուրիշ եկեղեցիներ էլ շինեց—մինը Գալիանէ կոյսի անունով, միւսը Հռիփսիմէի, որոնցում ամփոփեց նրանց մարմինները։ իսկ երրորդը հնձանի տեղում։ Հնձանի տեղում շինած եկեղեցին այժմ կոչւում է Շողոկաթ։

Ս. էջմիածնի 303 թուից սկսած բոլոր հայերի մայր եկեղեցին է և քահանայապետական աթոռը—այնտեղ է նստում հայոց կաթողիկոսը։

Էջմիածնի հիմնարկութեան տօնը մեր եկեղեցին տօնում է Հոգեգալստից երկու շաբաթ լիտոյ։

ՇԱՐԱԱՆ ՍՈՒՐԲ ԷՋՄԻԱԾՆԻ.

Էջմիածնին ի հօրէ
Եւ լոյս փառաց ընդ նմա
Զայնք հնչեցին
Սանդարակմենտք անդնդոց։

Միածինը (Յիսուս) լուսով պատած իջաւ հօրից (երկնքից), սանդարամետի (դժոնքի) անդնդոց ձայներ լսուեցան

Տեսեալ զլոյս
Մեծ հայրապետին Գրիգորի

Պատմէր ցնծութեամբ
Հաւատացեալ արքային:

Մեծ Հայրապետ Գրիգորը լոյսը տեսնելով
ուրախութիւնով պատմում էր հաւատացեալ թա-
գաւորին

Եկայք շինեսցուք
Սուրբ զինորանն լուսոյ,
Քանզի իսմա ծագեաց մեզ լոյս
ի Հայաստան աշխարհի:

Եկէք լուսոյ սուրբ խորանը (սեղան, եկե-
ղեցի) շինենք, որովհետև Հայաստան աշխարհի
մէջ այսուեղ լոյս ծագեց մեզ համար:

Բարեխօսութեամբ վերին քո զօրաց միշտ
անշարժ պահեա զաթոռ հայկազնեայց:

Քո վերին զօրբերի (հրեշտակների) բարե-
խօսութիւնով միշտ անշարժ պահի՛ր Հայկադուն-
ների աթոռը (հայոց եկեղեցին՝ եղմիածինը):

§ 17.

ՀԱՅԱՍՏԱՆԵԱՑ Ս. ԵԿԵՂԵՑԻՈՅ ՀԱԽՏՈՅ ՀԱՆԳԱՆԱԿԸ

Հաւատամք ի մի աստուած ի Հալլն ա-
մենակալ՝ յարարիչն երկնի և երկրի, երևելեաց
և աներևոյթից:

Եւ ի մի տէր Յիսուս Քրիստոս, որդին

Աստուծոյ, ծնեալն յԱստուծոյ Հօրէ Միածին,
այսինքն յԵռութենէ Հօր:

Աստուած յԱստուծոյ, լոյս՝ ի լուսոյ, Աս-
տուած ճշմարիտ, յԱստուծոյ ճշմարտէ՝ ծը-
նունդ և ոչ արարած:

Նոյն ինքն՝ ի բնութենէ Հօր, որով ա-
մենայն ինչ եղեւ յերկինս և ի վերալ երկրի,
երևելիք և աներևոյթք:

Որ յաղագս մեր մարդկան և վասն մե-
րոյ վրկութեան իջեալ ի յերկնից՝ մարմնա-
ցաւ, մարդացաւ, ծնաւ կատարելապէս ի Մա-
քրիամայ սրբոյ կուսէն հոգւովն սրբով:

Որով էառ զմարմին, զհոգի և զմիտ և
զամենայն որ ինչ է ի մարդ, ճշմարտապէս և
ոչ կարծեօք:

Զարչարեալ, խաչեալ, թաղեալ, յերրորդ
աւուր յարուցեալ, ելեալ ի յերկինս նովին
մարմնովն նստաւ ընդ աջմէ Հօր:

Հայոց է նովին մարմնովն և փառօք
Հօր ի դատել զկենդանիս և զմեռեալս,
որոյ թագաւորութիւն ոչ գոյ վախճան:

Հաւատամք և ի սուրբ Հոգին յանեղն և
ի կատարեալն, որ խօսեցաւ յօրէնս և ի մար-
դարէս և յաւետարանս, որ էջն ի Յորդանան,
քարոզեաց զառաքեալն և բնակեցաւ ի սուրբսն:

Հաւատամք և ի միմիայն ընդհանրական
և առաքելական եկեղեցի, ի մի մկրտութիւն,
յապաշխարութիւն, ի քաւութիւն և ի թո-
ղութիւն մեղաց: Ի յարութիւն մեռելոց, ի
դատաստանն յաւիտենից հոգւոց և մարմնոց՝

լարքայութիւն երկնից և ի կեանսն յաւիտենականս:

Իսկ որք ասեն էր երբեմն յորժամ ոչ էր Որդի, կամ էր երբեմն յորժամ ոչ էր Սուրբ Հոգի կամ թէ յոչէիցն եղեն, կամ, յայլմէ Եռւթենէ ասեն լինել զորդին Աստուծոյ և կամ զսուրբ Հոգին և թէ փոփոխելիք են կամ այլալիք՝ զանակիսիսն նզովէ կաթուղիկէ և առաքելական սուրբ եկեղեցի:

Իսկ մեք փառաւորեսցուք որ յառաջ քան զյաւիտեանս, երկրպագանելով Սըրոյ Երրորդութեան և միոյ աստուածութեան Հօր և Որդոյ և Հոգւոյն Սըրոյ ալժմ և միշտ և յաւիտեանս յաւիտենից. ամէն:

Հաւատում ենք մի Աստուած, ամենակալ Հօրը, երկինքն ու երկիրը, երևելիների և աներևոյթների Ստեղծողին:

(Հաւատում ենք) և մի Տէր Յիսուս Քրիստոս Աստուծու որդուն, որ Հայր Աստուածանից է ծնել միաժին, այսինքն Հօր էութիւնիցն է:

Աստուած է Աստուածանից, Այս է լուսից, Ճշմարիտ Աստուած է, Ճշմարիտ Աստուծուց ծնած և ոչ թէ ստեղծուած:

Նշն ինքն Հօր (Աստուծոյ) բնութիւնիցն է, որով ամեն բան եղաւ երկնքի մէջ և երկրիս վրայ, երևելիներն ու աներևոյթները:

Որ մեղ մարդկանցս համար և մեր փրկու-

թեան համար. Երկնքիցն իջնելով՝ մարմին առաւ, մարդ եղաւ, և ծնաւ կատարեալ կերպով Սուրբ Կոյս մարիամից՝ Հոգւով սրբով:

Որով (Ս. Հոգւով) առաւ մարմին, Հոգի և այն ամենն՝ ինչ կայ մարդու մէջ՝ Ճշմարտապէս և ոչ թէ կարծիքով:

2արչարւեցաւ, Խաչւեցաւ, թաղւեցաւ, երրորդ օրը յարութիւն առաւ և նոյն մարմնով երկինք բարձրանալով՝ Հօր աջ կողմը նստաւ:

Պէտք է դայ նոյն մարմնով և Հօր փառքով կենդանիներին ու մեռածներին դատելու համար, որի թագաւորութեանը վերջ չկայ:

Հաւատում ենք Ս. Հոգոն, որ անեղ (ոչ ոքից չէ եղել) և կատարեալ Աստուած է, որը խօսեց Օրինաց և Մարդարէների և աւետարանների միջոցով: Որ Յորդանան գետն իջաւ՝ Առաքողին (Քրիստոս՝ Աստուածանից ուղարկուածին) քարոզեց և սուրբերի մէջ բնակւեցաւ:

Հաւատում ենք նաև մի միայն ընդհանրական և առաքելական եկեղեցի, մի Մկրտութեան, Ապաշխարութեան, Մեղաց քաւութեան ու թողութեան, մեռելիների Յարութեան, Հոգիների և մարմինների վերջին դատաստանին, երկնքի Արքայութեան և Յաւիտենական կեանքին:

Իսկ նրանք, որոնք ասում են՝ թէ կար ժամանակ, երբ չկար Աստուծու որդին, կամ ասում են, թէ կար ժամանակ, երբ Ս. Հոգին չկար, կամ ասում են, թէ Աստուծու որդին կամ Ս. Հոգին ոչնչից գոյացած և Հօր Աստուծու էութիւ-

Նից չեն, այլ ուրիշ էութիւնից են եղած, և կամ թէ կարող են փոփոխուիլ և այլայիել: Այսպիսի հերիտիկոսական խօսքեր ասողներին նղովում է Աթթողիկէ և Առաքելական սուրբ եկեղեցին:

Իսկ մենք փառաւորում ենք յաւիտենից առաջ եղողին՝ երկրպագելով Ս. Երրորդութեան և մի Աստուածութեան՝ Հօր, Որդւոյ և Ս. Հոգուոյ՝ այժմ, միշտ և յաւիտեանս յաւիտենից. ամէն:

ՊԱՏԱՐԱԳԻ ԵՐԳԵՐ

Մարմին տէրունական և արիւն փրկչական կայ առաջի. Երկնալին զօրութիւնքն յաներևոյթս երգեն և ասէն անհանգիստ բարբառով սուրբ, սուրբ, սուրբ տէր զօրութեանց:

Քրիստոս ի մէջ մեր յայտնեցաւ, որ էնն Աստուած աստ բազմեցաւ, խաղաղութեան ձայն հնչեցաւ. սուրբ ողջունիս հրաման տուաւ. թշնամութիւնն հեռացաւ. սէր լընդհանուրս սփուեցաւ: Արդ պաշտօնեա՛յք. բարձեալ զձայն՝ տուք օրհնութիւն ի մի բերան միասնական աստուածութեան որում սրովքէքն սրբաբան:

Գոհանամք զքէն տէր, որ կերակրեցեր զմեզ յանմահական սեղանոյ քոյ բաշխելով զմալմին և զարիւն ի փրկութիւն աշխարհի և կեանք անձանց մերոց:

Սուրբ, Սուրբ, Սուրբ, Տէր զօրութեանց, լի են երկինք և երկիր փառք քո, Օրհնութիւն

ի բարձունս, օրհնեալ որ եկեր և գալոցդ ես անուամբ տեառն: Ովսաննա ի բարձունս:

Տէրունական Մարմինը և փրկչական Արիւնը առաջներս դրած է. Երկնային զօրքերն (Հրեշտակները) աներեղյթ կերպով երգում են և ասում են առանց հանգստանալու—Սուրբ, Սուրբ, Սուրբ, տէր զօրութեանց:

Քրիստոս մեր մէջ յայտնեցաւ, որ Էն Աստուածն այստեղ (սեղանի վրայ) բազմեցաւ. Խաղաղութեան ձայն լսուեցաւ. սուրբ ողջոյնի հրաման տրւեցաւ. Եկեղեցիս (բոլոր քրիստոնեաների ժողովը) մի սիրտ—մի հոգի դարձաւ և այս ողջոյնի համբոյրը՝ միութեան կապ եղաւ, թշնամութիւնը հեռացաւ. Քրիստոսի սէրն ամենիս մէջ տարածւեց: Ուրեմն, ով պաշտօնեաներ, ձայներդ բարձրացնելով՝ միաբերան օրհնութիւն տուէ՛ք միասնական Աստուածութեանը, որին Սրովքէները փառարանում են:

Ընորհակալ ենք քեզանից, ով Տէր, որ մեզ կերակրեցիր քո անմահական սեղանիցդ, բաշխելով քո Մարմինն ու Արիւնը՝ աշխարհի փրկութեան և մեր անձին կեանք լինելու համար:

Սուրբ, Սուրբ, Սուրբ, Տէր զօրութեանց, Երկինքը և երկիրը լիքն են քո փառքերով: Օրհնութիւն լինի բարձրումը. Օրհնեալ ես որ եկար և պիտի գաս Տիրոջ անոնսով: Ովսաննա բարձրումը:

Յ Ա Ն Կ

§	Եղես
1. Գաղարոսի յարութիւնը	5
2. Տասն կոյսեր	8
3. Յիսուսի մատնութիւնը	11
4. Ոտնալուայ	13
5. Յիսուսի թաղումն	14
6. Յիսուսի յարութիւնը	16
7. Յիսուսի համբարձումն	18
8. Հոգեգալուստ	19
9. Վերափոխումն	23
10. Արգար թագաւորը դեսպաններ է ուղար- կում Յիսուսի մօտ	25
11. Թագէոս և Բարգուղիմէոս	27
12. Ս. Գրիգոր (Կամ երկրորդ) Լուսաւորիչ	30
13. Հռիփիմեան և Գայիանեան կոյսերը փախչում են Հայաստան	35
14. Ս. Գրիգորին դուրս են բերում վիրապից	38
15. Ս. Գրիգոր Լուսաւորչի երազը	42
16. Էջմիածնի տաճարի շինութիւնը	44
17. Հայաստանեայց Ս. եկեղեցւոյ հաւատոյ հանգանակը	46
18. Պատարագի երգեր	50



ԹՎ ԵՇԽԱԾՈՒՐՈՒԹԵԸՄԲ ԼՈՅՆ ԵՆ ՏԵՍՆԵԼ

1. ԳԱԱԱԳԻՐՔ ԿՐՕՆԻ, ուղեցոյց հայ կրօնուսոյցների համար, Հինգութեամի նիւ- թի մշակութեանը	1 75
2. ԳԱԱԱԳԻՐՔ ԿՐՕՆԻ, ուղեցոյց հայ կրօնուսոյցների համար, նոր և ունիտի նիւթի մշակութեան ա. մասն.	1 —
3. ՄԻՔԱՆԻ ԽՕՍՔ Հայ կրօնուսոյց- ներին	— 10
4. ՍՐԲԱԶԱՆ ՊԱՏՄՈՒԹԻՒՆ Հին ունտի	— 40
5. ՍՐԲԱԶԱՆ ՊԱՏՄՈՒԹԻՒՆ նոր ունտի	— 40
6. ԳԱԱԱՏԵՏՐ ԿՐՕՆԻ ա. տարի. — 15	
7. ԳԱԱԱՏԵՏՐ ԿՐՕՆԻ, բ. տարի. — 20	
8. ԳԱԱԱՏԵՏՐ ԿՐՕՆԻ, գ. տարի. — 30	
2. 3. 5. 6. 7. 8. գրքերից մեզ զիմովին 10-ից ուելի գնովին և կանխեկ վճարովին 20 ⁰ / ₀ զիջումն կլինի:	

Հայոցէն—1) Տիֆլիս: Օվանդուկու Սաակ
Սաակյան կոմ 2) Կենտրալի գրաքանչու տո-
գովլիո.